

hlakahlisi tahlana

atuhlŋuakuisa mainimana, karukuhlaku mualuvuamaku mahlukua
Kaluvunga takuliliungu, mutatungusua amakuna likihli umarua 'urai,
marumukuaku tupuru ahlahlapa ta'uraia musalamu, muraruma
tatatahlunguhlungua, kani'i tacacurunaku ia ausiaku miapipihlihli
mukakakua sala Kaluvunga, mairahlu miacaliviamu tahlana, kana'ana ia
ucani hlitupanara hlilumulumuka mimilikikatapangu, maci miungu
ahla'amisana nana makamapuhli aucaucani pururuka tavahlihla,
muruapihlihli mucapi ausi uruhla tamumavacangu, varatumumu tam
samahlumahlungu, patuku sala'a marumana ucani palungana pakaritukuhlu
kiu'u, mahliatuhlungaku, makatavahlihla ausi luvi aucaucani hliururua,
mahlisaru tavahlihla ausi tapu'ai hlimicacakici palungu kiu'u, maci
parikakuaisana varatu ia, muruacapiaka tavahlihla ausicu tapu'ai
muruapihlihli, mataingalicu mavacangu, kani'i ia tam arumukaku sala'a.

pakisuahlaiaku amakuna, pia auninia kana'a kiu'una, macaca amakuna,
umalivalu, ngahlaisa ia hlakahlisi, kana'a kiu'una ia hlilumukuhlaama!
uuaa! usuanganaiau mahlulangica hla taisa, amihla amakuna,
usuanganaisaiauka ahlamataka hlimatapupuahlu cacalua, miungu Sakamu
marucuisana, rahluua mucukuhluka 'Aumusikunga hla Hlakuaiiana,
apacupuluka ahlamata, minisuacu tuturicu, puaili vuvulunga, maruka

cacihli.

hlamama, mangutuhlu ucani rapi'ana hlaka'urukusaisa, angahlisana
matapupuahlu cacalua, puaili miungu kani'i pararanana, miaurukuhlicu
naani, salua hlisaurukusaisana mataukutu naanina, ulavaisa
tuma'anguhlucu, arataisa amihla amakuna, kitumau tavahlici hlakahlisina,
pakaritukuhlu tam mavacangu! ucania tahlana taratuahlana hlakahlisi!
usuanganaiau hlihlu'uhlu'a kulukuluku sinmituu, maiatuhluhlu tam
manauisanaka cucutahlana.

rahluarumahlau, tiaraisaiau tahlana, aucaucani palungana mimiliki
katapangu, sapakahlikucuacu kucupauruhla, samahlumahlungu tavahlihla
uka'acu mumua, ucanicu hlakahlisika mapatuku sala'a, ilikusuisa rianicu
hlilumuka susuku, tamkupatihlau; kunaiaungu pakamiaisa makatavahlihla,
aranganicu maci'icu, arupakiahlahlamuka cucutahlana, taiaraisaka
hliuhlisaka pakisia'a putaatumuhlu savuanu, tahlana kani'i, ucanicu
mapatuku sala'aka hlimahluraurau hlakahlisi maisana,
hlatarangahlukiamana kumita mavacangu tavahlihla, kana'a mavacangu
hliahlumiaisa mulavaumatikiku, miungu kani'i inicikiaku macahlia
ngahlaisa hlakahlisina Hlakuaiiana " apulu ".

舊社的 hlakahlisi

小時候常跟爸爸拜訪桃源村，路上經過種滿梅樹的舊社，路旁有棵特別的樹，會開一串串黃花。爸爸說：「它叫 hlakahlisi，是祖先種的！」祖先曾下山到居住，後來被迫回山中，有個老人砍了樹枝當拐杖，走回這裡把拐杖插在地上卻發芽長大。

爸爸說：「只有舊社才能看到 hlakahlisi。」不久，梅花樹一棵棵被砍掉，只剩 hlakahlisi，身後則是生薑園，沒想到只剩 hlakahlisi 枯死了！族人認為是外地人種薑使用農藥影響 hlakahlisi，現在舊社路旁只剩枯幹，以前盛開的美麗，深藏在我的心中。